

理藩院則例

旗籍司

大清會典則例卷之

理藩院

旗籍清文司

一疆理喀爾喀凡四部八十二旗。北至黑龍江界。西至阿爾泰山。與準噶爾接界。南至內扎薩克界。北至俄羅斯界。東西袤延五千里。南北三千里。後路土謝圖汗一旗。及所轄十九旗。駐劄土喇河。東至肯特山。車臣汗部界。西至翁金河。賽因諾顏部界。南至瀚海。蘇尼特界。北至俄羅斯界。至京二千八百餘里。東路車臣汗一旗及



所轄二十二旗。駐劄克魯倫翁都爾多博。東至厄爾得尼拖羅海。西至插漢齊老臺。南至他爾袞紫達木。北至翁都爾罕。至京三千五百餘里。西路扎薩克圖汗一旗。及所轄十六旗。駐劄杭愛山陽。東至翁克西爾哈兒朱忒。西至喀喇烏蘇。俄落克訶兒。南至阿爾察喀喇托輝。北至推河。至京四千餘里。賽因諾顏部一旗。及所轄二十一旗。駐劄牧地。東至博羅布爾哈蘇鄂倫。西至庫爾薩牙索郭圖。兀格嶺。南至車車爾齊克。北至齊老圖河。至京三千餘里。○青海四部落。

厄魯特。土爾古特。喀爾喀。回特。凡二十九旗。各旗駐牧地。在陝西。甘涼。西寧。河洮。岷。及西川。松潘等處邊外。東接陝西。西連西藏。南至四川。北至甘肅安西府。袤延二千餘里。○京五千七十里。分左右二境。左境。東自西寧邊外董科爾廟。西至肅州嘉峪關邊外。滔賴河。南自西寧邊外。波洛冲克克河北岸。北至涼州邊外。西拉搭拉。東南自西寧邊外。拉拉山。西北至甘州邊外。濟饅界。東北自永昌邊外。西南至嘉峪關邊外。布隆吉兒河岸。右境。東自西寧邊外。董科爾廟。

西至噶斯池。南自山川松潘衛邊外漳臘嶺。北至波洛冲克。克河南岸。東南自洮州邊外達爾吉嶺。西北至嘉峪關邊外塞爾騰。西爾拉津。北自西寧邊外克騰庫特兒。西南至木魯烏蘇河。諸部落散處其間。○賀蘭山厄魯特一旗。○至寧夏府邊外界。西至甘州府邊外界。南至涼州府邊外界。北至瀚海。接喀爾喀界。地方七百里。至京五百里。○喀爾喀河厄魯特二旗。一旗。東至喀爾喀河西岸。以南至納木爾庫河溝。南至哈畢爾哈布喇克。西南至納林布喇克。西至

額木根圖沙岡。西北至布英克沙岡。北至衣克塔什坎。東北至烏塔噶禮圖。衰延二百里。乾隆二十六年。癸準。遷往鄂爾坤之烏蘭烏蘇居住。屬賽因諾顏部轄。其四至即在。○諾顏疆里之內。一旗。○主額布爾布喇克。東北至滾諾爾北岸。東南至巴爾圖布喇克。均與正藍旗巴爾虎接壤。南至巴爾圖溫都爾興安山。西南至圖勒爾河溝。西至喀爾喀河東岸。西北至胡魯冰台伯爾齊爾。北至烏和爾綽克沙岡。衰延二百里。至京二千八百餘里。乾隆二十六年。議遷烏

蘭烏蘇不果。二十七年奏準。在推河居住。屬賽因諾顏部轄。其四至即在賽因諾顏疆里之內。○達拉爾河厄魯特。一旗。上至達拉爾河之源。下至達拉爾河之哈拉濟。西至阿祿科爾沁之東北界察漢舒龍。東至扎魯特之西北界扎龍塊嶺。地方百里。至京千四百餘里。乾隆二十六年奏準。遷往鄂爾坤之烏蘭烏蘇居住。屬賽因諾顏部轄。六四至即在賽因諾顏疆里之內。○土爾古特。一旗。駐劄額濟綏。東至古爾蘆。南至三岔河。西至肅州邊。北至坤都崙湖。地方八百

里。至京五千里。○都爾伯特。十有四旗。舊屬準噶爾四衛拉特之一。原駐額爾齊斯。東至阿爾泰山。西至六爾。南至青吉爾河。北至塔爾巴哈台。至京六千三百五十里。該部之酋先投誠。因資其耕牧。移其部於烏薩古木。在喀爾喀疆理之內。○烏魯木齊。舊為準噶爾庫本諾雅游牧處。屬噶爾丹多爾濟之昂吉。乾隆二十年。大兵進討準噶爾。噶爾丹多爾濟率其屬望風降。地皆內屬。有城周三里許。至京九千八百九十里。山環水繞。土膏沃衍。地宜種植。分東西南北二

境東西境自烏魯木齊城東行至木壘烏蘭
烏蘇東接巴里坤境外地東南踰山接闡展
界自烏魯木齊城西行至博羅搭拉西南俱
接伊犁界南北境自烏魯木齊城直北行至
塔爾巴哈台通俄羅斯界自烏魯木齊城東
北行至額爾齊斯自烏魯木齊城西北行至
齊爾接哈薩克界其南境近天山踰山接
哈拉沙拉界○伊犁舊為準噶爾部落乾隆

二十年大兵進討準噶爾二十四鄂拓克汗之部屬
二十一昂吉台吉之九集賽職司喇務爭先迎

降達瓦齊獻俘

京師伊犁平阿睦爾撒納尋以伊犁叛二十二年
分南北路進討阿睦爾撒納奔俄羅斯餘黨以
次擒滅伊犁復定城三。一建固。一。周四里二
分。為屯田。曰氏居住之所。一建烏哈爾里克。周
四里一分。一建塔爾奇。周一里三分。為屯田。紮
營官兵住居之所。至京萬八百里。分東南
西北二境。東南境自伊犁東南行至哈卜齊海。
南踰天山。接哈拉沙拉界。北接烏魯木齊東西
境界。東過博爾圖山。接闡展界。西接伊犁西北

境東西境。自烏魯木齊城東行。至木壘烏蘭
烏蘇。東接巴里坤境外地。東南踰山。接闡展
界。自烏魯木齊城西行。至博羅搭拉。西南俱
接伊犁界。南北境。自烏魯木齊城直北行。至
塔爾巴哈台。通俄羅斯界。自烏魯木齊城東
北行。至額爾齊斯。自烏魯木齊城西北行。至
齋爾。接哈薩克界。其南境近大山。踰山接
哈拉沙拉界。○伊犁舊為準噶爾部落。乾隆
二十年。大兵進討。進一十六鄂拓克。汗之部屬
二十一昂吉。台吉下五集賽。職司喇嘛事務爭先迎

降。達瓦齊獻俘

京師。伊犁平。阿睦爾撒納尋以伊犁叛。二十二年。
分南北路進討。阿睦爾撒納奔俄羅斯。餘黨以
次擒滅。伊犁復定。城三。一建固一。周四里二
分。為屯田一。居住之所。一建烏哈爾里克。周
四里一分。一建塔爾奇。周一里三分。為屯田一。
營官兵住居之所。至京萬八百二十里。分東南
西北二境。東南境。自伊犁東南行。至哈卜齊海。
南踰天山。接哈拉沙拉界。北接烏魯木齊東西
境界。東過博爾圖山。接闡展界。西接伊犁西北

境界。西北境自伊犁西北行。北至巴爾喀什淖爾。西至吹塔拉斯。俱至沙磧。通右部哈薩克界。東北接左部哈薩克界。東接伊犁東南境界。南至天山。踰山接阿克蘇烏什界。○八旗游牧察哈爾。東至克西克騰界。西至歸化城土默特界。南至太僕寺左右翼鑲黃旗。正黃旗各牧場。及山西大同府朔平府邊界。北至烏兒特及四子部落界。袤延千有餘里。鑲黃旗游牧。駐劄蘇門峯。在張家口北三百四十里。東西距百六十里。南北距百九十里。由張家口至京七百五十里。

正黃旗游牧。駐劄木孫忒克山。在張家口西北三百二十里。東西距百有十里。南北距二百八十里。由張家口至京七百三十里。正白旗游牧。駐劄布爾哈臺。在獨石口西北一百九十里。東西距七十八里。南北距二百九十五里。由獨石口至京八百二十里。正紅旗游牧。駐劄古爾班拖羅海山。在張家口外西北三百七十里。東西距五十五里。南北距二百八十里。由張家口至京八百里。鑲白旗游牧。駐劄布雅阿海蘇默。在獨石口北二百四十五里。東西距五十六里。南

北距百九十七里。由獨石口至京七百七十里。鑲紅旗游牧。駐劄布林泉。在張家口西北四百二十里。東西距五十里。南北距二百九十里。由張家口至京八百三十里。正藍旗游牧。駐劄扎哈蘇臺泊。在獨石口東北三百六十里。東西距二百六十五里。南北距九十五里。由獨石口至京八百九十里。鑲藍旗游牧。駐劄阿巴漢喇喀山。在殺虎口東北九十里。東西距一百十有五里。南北距百六十里。白殺虎口至京千里。○西藏。其地在四川雲南徼外。東西距六千四百餘

里。南北距六千五百餘里。東至四川界。南至雲南界。西至大沙海。北至青海界。其地有四。曰衛。曰藏。曰喀木。曰阿里。共轄六十餘城。互市在四川西徼打

箭鑪之地。

衛。在四川打箭鑪西北。卽曰藏。居諸藏

之中。又名中藏。東自木魯烏蘇西岸。西海部落界。西至噶木巴嶺。南自鄂木拉剛冲嶺。北至牙爾佳藏布河。至京萬有二千餘里。藏。在衛西南。永自噶木巴嶺衛界。西至麻爾岳木嶺阿里界。南自巴里城之巴木嶺。北至赭巴部落之北達魯克雨木撮池。至京萬有三千餘里。喀木。在衛

東南近雲南麗江府之北。東自鴉龍江西岸。西至努卜公嶺。南自噶克拉雪山。北至木魯烏蘇南岸。東南自雲南塔城關。西北至索克城。青海部落界。東北自青海部落界。阿克達穆嶺。西南至塞勒太雪山。至京九千餘里。阿里東自藏界麻爾岳小嶺。西至巴第印木布嶺。南自匝木薩喇嶺。北至烏巴嶺。爲西藏極西之鄙。至京萬有四千餘里。

一旗制。喀爾喀凡四部落。後部原轄旗十有七。康熙三十二年。增設二旗。三十三年。增設一旗。

三十五年。增設二旗。三十六年。增設三旗。三十八年。增設一旗。三十九年。增設一旗。四十八年。增設一旗。五十年。增設三旗。五十一年。增設一旗。五十八年。增設一旗。六十年。增設二旗。雍正八年。增設一旗。九年。增設一旗。乾隆元年。增設一旗。四年。增設一旗。十七年。增設一旗。二十二。年。增設一旗。二十四年。增設一旗。今爲四十二旗。東部原轄旗十有二。康熙三十五年。增設一旗。三十六年。增設一旗。三十八年。增設一旗。四十年。增設三旗。四十八年。增設一旗。五十年。增

設一旗。五十二年。增設一旗。乾隆十四年。增設一旗。二十二年。增設一旗。今爲二十三旗。西部原轄旗八。康熙三十三年。增設一旗。四十一年。增設一旗。四十三年。增設一旗。五十一年。增設一旗。雍正二年。增設一旗。四年。增設一旗。六年。增設一旗。乾隆十三年。增設一旗。二十二年。增設一旗。今爲十有七旗。凡八十旗。雍正二年。額駙策凌設爲喀爾喀副將軍。三年。在土謝圖汗部內分轄二十二旗。別爲一部。曰賽因諾顏部。○青海。凡四部落。厄魯特。二十旗。乾隆十一

年。增設一旗。回特。三旗。土爾古特。四旗。喀爾喀。一旗。凡二十九旗。又有六喇嘛察汗諾們汗所屬蒙古。分爲佐領。不統於各旗。別給印信。令大喇嘛管轄。均受總理青海蒙古事務大臣節制。○賀蘭山厄魯特。一旗。○烏蘭烏蘇厄魯特。二旗。○推河厄魯特。一旗。○額濟內土爾古特。一旗。○都爾伯特。十有四旗。○游牧察哈爾。八旗。○一封爵。喀爾喀。漢時匈奴故地。唐初爲突厥後爲回紇。宋屬遼。元爲和林路。後改和寧。明時元裔小王子之後。東徙爲察哈爾。其留漠北諸部。曰喀爾喀。有三汗。西曰扎薩克圖汗。中曰土謝圖汗。東曰車臣汗。天

聰八年。車臣汗遣使來聘。崇德三年。三汗並遣使來朝。康熙二十八年。被噶爾丹所侵。款塞內附。三十年。平定噶爾丹。大會於多倫諾爾。編審旗分。安輯其衆。先是土謝圖汗殺其扎薩克圖汗。得克得黑墨爾根阿海。從此起釁構兵。失其游牧。先後歸附。

聖祖仁皇帝洞鑒其曲直。乃於會盟之。令土謝圖汗具疏請罪。以兩翼喀爾喀相好如初。於是並去其濟農詰顏名號。封策旺扎卜為扎薩克圖汗。封察渾多爾濟為土謝圖汗。封烏黑克為車臣

汗。封善巴滾布朋蘇克拉布灘。色楞阿海。納穆扎爾。噶爾單多爾濟為多羅郡王。封卓忒巴。車卜登為多羅貝勒。封寶貝朋蘇克阿南達。車卜登達里布達扎卜為固山貝子。封蘇泰伊爾登。拖多額爾德尼為鎮國公。封旺書克錫卜推哈灘巴圖魯為輔國公。封圖巴厄爾克阿海衛徵諾顏阿玉錫丹晉額爾德尼索諾穆伊錫扎卜。滾占車臣烏爾占。滾布古魯扎卜。車凌達錫額爾克色楞達錫巴浪班珠爾多爾濟為一等台吉。三十一年。封古魯錫喜為多羅郡王。封錫達

錫里爲多羅貝勒。封阿里雅薩穆濟忒。車穆楚克納穆扎爾。里他爾。車凌。爲一等台吉。三十三年。封根敦額爾克代青。爲多羅貝勒。封車凌扎卜。爲一等台吉。三十五年。封郡王善巴。爲和碩親王。封貝子朋楚克。爲多羅郡王。封車卜。登爲鎮國公。封一等台吉。車凌達錫。衛徵諾顏阿玉錫。車穆楚克納穆扎爾。爲輔國公。封伊達穆納穆扎爾。老卜。爲一等台吉。三十六年。封蘇達尼。滾楚克。青多爾濟。開穆楚克。爲一等台吉。三十七年。封一等台吉。索諾穆伊錫扎卜。爲輔國公。

三十八年。封車凌旺布。爲一等台吉。三十九年。封公錫卜。推哈灘巴圖魯。爲固山貝子。四十年。封根敦。垂扎穆蘇額爾德尼。爲一等台吉。四十一年。封羅卜桑。爲鎮國公。四十二年。封瑪他卓里克圖。爲一等台吉。四十八年。封多爾濟達錫濟納米達。爲一等台吉。五十年。封貝子布達扎卜。爲多羅貝勒。封車凌巴爾。爲一等台吉。滾占。爲輔國公。封車凌達錫。沙魯伊爾都齊。套賴。爲一等台吉。五十一年。封多爾濟哈瑪爾。代青。爲一等台吉。五十二年。封綽因珠爾。爲一等台吉。

五十三年。封格勒克半品爾爲輔國公。五十八年。晉封一等台吉。車凌達錫爲輔國公。封成滾。扎卜爲一等台吉。六十年。封車穆畢爾多爾濟。策當敦多布爲一等台吉。雍正元年。封和碩額駙策凌爲多羅郡王。晉封公車穆楚克納穆扎爾爲多羅貝勒。二年。封旺舒克爲鎮國公。車凌旺布爲輔國公。沙克扎爲一等台吉。三年。封成衮扎布爲一等台吉。加公品級。四年。封伊達穆扎布爲一等台吉。六年。封拉卜灘爲一等台吉。八年。封巴爾桑爲輔國公。朋蘇克拉卜灘爲一

等台吉。九年。封巴海爲一等台吉。晉封郡王。額駙策凌爲和碩親王。晉封一等台吉。巴海爲輔國公。封車布登扎布爲一等台吉。十年。封車布登爲一等台吉。十一年。封扎木澤爲鎮國公。十二年。封額林沁爲一等台吉。十三年。封得木楚克爲多羅郡王。乾隆元年。晉封一等台吉。成滾扎卜爲固山貝子。封遜都卜爲一等台吉。二年。封衮楚克扎布羅卜藏敦多布爲一等台吉。三年。追封陣亡貝勒車穆楚克納穆扎爾爲多羅郡王。封多羅額駙桑宰多爾濟爲多羅郡王。車

穆楚克扎布爲固山貝子。四年。特晉固山貝子。成滾扎卜爲世子。封旺沁扎布爲輔國公。額默根爲一等台吉。五年。封巴雅爾西第爲多羅郡王。和拖輝特多爾濟車登爲輔國公。七年。封巴爾達爾爲扎薩克圖汗。根敦桑宰林沁。那旺伊什。爲一等台吉。八年。封索諾穆敦多布爲一等台吉。九年。封丹俊爲多羅貝勒。克楚克爲輔國公。十年。封多爾濟塞卜騰爲世子。十一年。封格勒克爲輔國公。十二年。封齊巴克雅拉穆品爾爲多羅郡王。十三年。封車登三品爾爲輔國公。

克楚克扎卜。根敦車凌。爲一等台吉。十四年。封貢格敦丹爲鎮國公。十五年。封世子成滾扎卜爲和碩親王。達爾濟雅爲輔國公。達爾布圖。恒克。古魯扎布。伍巴什。爲一等台吉。十六年。封瑪呢巴達拉爲車臣汗。十七年。封瑪哈巴拉爲鎮國公。車登扎布。袞楚克車凌。爲一等台吉。十九年。封達什品爾爲固山貝子。加郡王品級。封車凌多岳特爲輔國公。二十年。晉封郡王巴雅爾西第爲和碩親王。晉封郡王額駙桑宰多爾濟爲和碩親王。封丹衷多爾濟爲多羅郡王。晉封

公達爾濟雅爲固山貝子。封達什朋楚克爲輔國公。敦多布納穆扎爾爲一等台吉。二十一年。晉封郡王齊巴克雅拉穆品爾爲和碩親王。封車卜登扎布爲多羅郡王。加親王品級。特封楚布多爾濟爲世子。封他穆楚克扎布。達什車多爾濟。爲多羅貝勒。明品穆多爾濟。丹巴淨準。爲輔國公。加齊旺多爾濟。輔國公品級。封三達克多爾濟。爲輔國公。加貝子品級。封諾爾布。達什朋楚克。三部克多爾濟。爲一等台吉。二十二年。晉封貝子車穆楚克扎布。爲多羅郡王。封和拖

輝特車都。爲多羅貝勒。加郡王品級。封額爾克刷拉。爲輔國公。加貝子品級。封達什貢楚克多爾濟。爲輔國公。封齊旺多爾濟。爲一等台吉。加貝子品級。封達穆凌扎布。瑪乙素爾。爲一等台吉。二十三年。封琅滾扎布。爲鎮國公。車卜登多爾濟。拉沁素隆。巴圖濟爾噶爾。爲輔國公。敦多布多爾濟。桑都布多爾濟。爲一等台吉。二十四年。封車登多爾濟。爲土謝圖汗。車卜登。爲輔國公。那旺車凌。敦多布。得木楚。爲一等台吉。二十五年。封齊穆特多爾濟。爲多羅貝勒。車卜登

多爾濟爲固山貝子。晉封輔國公。格勒克半品。爾爲鎮國公。封旺臣爲鎮國公。封車登扎布。三都克多爾濟爲輔國公。封格宰多爾濟爲一等台吉。加公品級。封成家扎布。貢素隆扎布。班第。噶爾瑪扎布。巴因珠爾。車登旺扎爾。爲一等台吉。二十六年。封明珠爾多爾濟爲輔國公。二十七年。封諾爾卜扎布爲和碩親王。伊達穆扎布爲固山貝子。車登扎布爲鎮國公。索諾穆川巴爾。刷克都爾扎布。爲輔國公。刷克多爾扎布。額林沁多爾濟。爲一等台吉。○青海。明時爲西番地。正德四年。

始爲蒙古所據。古稱西海。蒙古名庫諾爾。

國初。有厄魯特顧實汗者。自北侵有其地。爲四厄魯特之一。康熙三十六年。旣平噶爾丹。台吉扎什巴圖爾等來附。封扎什巴圖爾爲和碩親王。封額爾德尼。納穆扎爾。爲多羅貝勒。四十年。封代青和。紹齊察汗丹。晉爲多羅貝勒。四十二年。封達賴代青策旺拉卜灘。爲多羅郡王。封車臣塞卜騰扎爾。爲多羅貝勒。封羅卜藏達爾扎。爲固山貝子。四十三年。封阿齊巴圖爾。滾布。爲多羅貝勒。五十年。封噶爾旦達錫。索諾穆達錫。拉

察卜車凌爲輔國公。五十五年。封達顏爲多羅
貝勒。封阿拉卜灘爲一等台吉。五十七年。晉封
貝勒代青和紹齊察汗丹晉爲多羅郡王。五十
九年。封阿拉卜灘扎穆蘇爲輔國公。雍正元年。
晉封郡王代青和紹齊察汗丹晉爲和碩親王。
封車凌敦多卜爲多羅貝勒。封公噶爾旦達錫
爲鎮國公。是年。扎什巴圖爾之子羅卜藏丹晉
誘衆犯邊。平定之後。將貝勒車凌敦多卜降爲
固山貝子。碩爾德尼納穆扎爾之子貝勒羅卜
藏察汗革爵。授爲一等台吉。晉封貝勒車臣塞

卜騰扎爾爲多羅郡王。封索諾穆達錫爲固山
貝子。三年。封一等台吉阿拉卜灘爲輔國公。封
貢格伊錫夕爾扎卜。塞忒爾布穆。額爾德尼濟
農丹忠。索諾穆達爾濟。扎卜。察汗拉卜灘。阿拉
卜灘。哈爾噶斯。塞卜騰博若克圖。達瑪林塞卜
騰根敦。爲一等台吉。七年。封畢齊漢車凌爲一
等台吉。九年。

諭。朕憐念青海郡王額爾德尼額爾克拖克拖鼐。曾降
旨將伊諸子內令指出一人。封授長子。今王額爾德
尼額爾克拖克拖鼐。既指出伊三子索諾木丹津。奏

請授爲長子。應如所請。索諾木丹津著封授長子。昨因拖克拖鼐之長子阿拉卜濟在軍前効力。勉授爲一等台吉。諒伊父必指阿拉卜濟。今伊父乃指伊三子。想伊父之意。料伊子阿拉卜濟必能効力。得以別受朕恩。今施恩。將阿拉卜濟亦封爲輔國公。令其効力行走。欽此。十一年。封巴爾丹爲一等台吉。十三年。封衮楚克達什爲多羅郡王。乾隆二年。封達什敦多布爲喀爾喀一等台吉。三年。封達啟爲一等台吉。四年。封納穆扎爾車凌爲輔國公。旺舒克拉卜灘。衮布拉卜灘。爲一等台吉。五年。封

達什納穆扎爾爲輔國公。薩拉爲土爾古特一等台吉。九年。封達什扎布爲輔國公。十年。封貢格車凌爲一等台吉。那穆錫里策旺爲土爾古特一等台吉。十三年。封索諾木巴爾濟爲鎮國公。十四年。封旺丹多爾濟帕喇嘛爲和碩親王。索諾木丹津爲多羅郡王。十七年。封刷克都爾扎布爲固山貝子。十八年。封羅卜藏塞卜騰爲固山貝子。採忠扎布爲輔國公。十九年。晉封公納穆扎爾車凌爲固山貝子。封塞卜騰多爾濟爲土爾古特一等台吉。二十年。封那漢他爾巴

爲回特輔國公。旺扎爾。車凌多爾濟。爲一等台吉。二十一年。封烏爾占。爲土爾古特一等台吉。二十二年。封丹巴車凌。爲多羅貝勒。二十三年。封塞卜騰多爾濟。爲多羅郡王。二十五年。封貢格塞卜騰。爲一等台吉。二十六年。封巴爾珠爾。貢沁車凌。爲一等台吉。○厄魯特。明時爲邊外地。國初。蒙古厄魯特部落。駐牧套西。名套夷。厄魯特。即元裔。阿魯台後。其部入鄂齊爾圖汗。阿巴賴諾顏。隨顧實汗內附。後烏噶爾丹所滅。康熙三十六年。封鄂齊爾圖汗之孫濟農巴圖爾厄爾克。爲多羅貝

勒。四十一年。封台吉阿拉卜灘。爲多羅貝勒。四十二年。封二爾古特阿拉卜珠爾。爲固山貝子。四十四年。封丹濟拉。爲輔國公。雍正四年。

諭。厄魯特之官爵。原因歸順。故

聖祖仁皇帝特恩加授。雖無世襲之

旨。但伊等各有効力之處。悉著降一等承襲議奏。如承襲之人。或能守分勤謹。克盡厥職者。仍將所降品級賞給。理藩院將此注冊。并將朕恩旨曉諭厄魯特等知悉。欽此。乾隆二年。封衮楚克。爲鎮國公。四年。封多羅額駙羅卜藏多爾濟。爲多羅貝勒。五年。封羅

卜藏達爾扎爲土爾古特多羅貝勒。六年。封索諾穆多爾濟爲鎮國公。十三年。封朋楚克爲固山貝子。十四年。封丹拜爲一等台吉。加公品級。二十一年。晉封貝勒額駙羅卜藏多爾濟爲多羅郡王。二十六年。封衮楚克邦爲固山貝子。○
都爾伯特。舊爲準噶爾四衛拉特之一。其綽羅斯。和碩特。輝特。旣臣復叛。相繼誅滅。
乾隆十八年。都爾伯特台吉車楞等親率其部落來歸。十八年。封車楞爲和碩親王。車楞伍巴什爲多羅郡王。車楞孟克剛多爾濟。色布騰。爲多羅貝勒。額爾德尼班音珠爾根敦。爲固山貝

子。瑪什巴圖巴圖孟克剛。爲輔國公。達什敦多布。恭沙拉。凡布根。巴爾。爲一等台吉。二十年。晉封親王。車楞爲特古斯庫魯克汗。晉封郡王。車楞伍巴什爲和碩親王。晉封貝勒。車楞孟克爲多羅郡王。晉封公。瑪什巴圖。爲固山貝子。襲封竒塔。爲固山貝子。二十一年。襲封巴桑。爲多羅貝勒。車登。爲一等台吉。二十二年。襲封巴雅爾。譚。爲多羅郡王。齊巴克。爲一等台吉。二十三年。襲封索羅穆。衮布。爲汗。博斯虎。爲多羅郡王。寶貝。爲一等台吉。○西藏。唐宋爲吐蕃。元明爲烏藏。崇德七

年。番僧遣使歸誠。順治十年來。賜金

冊金印。授爲西天大善自在佛。領天下釋教。普逋瓦赤喇怛喇達賴喇嘛。俗稱其國曰圖伯特。又曰唐古忒。最尊者曰達賴喇嘛。班臣喇嘛。代喇嘛理事者曰第巴。又有汗。則蒙古部長爲之。康熙三十二年。封第巴爲圖伯特國王。賜金印。後潛與厄魯特噶爾丹通。四十四年。達賴汗之子拉藏。誅第巴以聞。四十五年。封拉藏爲輔教恭順汗。賜金

冊金印。四十九年。允拉藏所請。封伊西扎穆蘇爲六

世達賴喇嘛。賜金

冊金印。五十二年。準噶爾侵藏。殺拉藏。旋即平定。六十年。封康濟鼐。阿爾布巴。爲貝子。隆布鼐爲公。總理其地。雍正五年。阿爾布巴等。殺康濟鼐。以叛。後藏辦理噶卜隆事務之扎薩克台吉頗羅鼐。走避以聞。六年。阿爾布巴等伏誅。封頗羅鼐爲固山貝子。七年。封達賴喇嘛之父索諾穆達爾扎爲輔國公。九年。封頗羅鼐爲多羅貝勒。給冊印。轄衛藏噶卜倫事務。封頗羅鼐之長子珠爾瑪特車卜登爲輔國公。封噶錫巴納穆扎爾塞卜

騰爲輔國公。十二年封頗羅鼐之弟諾顏和紹齊爲扎薩克台吉。乾隆四年晉封頗羅鼐爲多羅郡王。十二年以頗羅鼐之次子珠爾默特納穆扎爾襲封多羅郡王。十五年珠爾默特納穆扎爾以罪伏誅。十六年議設噶卜倫四人代賚五人各頒給

勅諭。第巴三人。堪布一人。均給本院執照。分轄藏務。受駐藏大臣及達賴喇嘛管轄。○喀爾喀以下。王。貝勒。貝子。公等。均不準世襲。其子孫或襲封原爵。或減一等承襲。由院具疏兩請候

旨襲封。或降封。仍照定例。給與護衛官員隨丁。台吉等亦給隨丁。

一設官。康熙三十年覆準。喀爾喀等既封授汗王。貝勒。貝子。公等爵。應各按旗分。編立佐領。設都統。副都統。佐領。驍騎校等官。○三十六年議準。青海厄魯特等。既與喀爾喀一體歸順。應編設旗分佐領。停補協領。副協領。悉照喀爾喀之例。補授都統。副都統。以下等官。每五佐領設一叅領。○雍正三年議準。喀爾喀設蒙古副將軍三人。鈐轄各部落蒙古兵丁。均給與

勅印。○十一年議準。喀爾喀三路蒙古副將軍處。各設叅贊一人。○乾隆六年議準。喀爾喀車臣汗部落。設蒙古副將軍一人。叅贊一人。○又議準。喀爾喀四部落蒙古副將軍處。叅贊各一人。遇闕。於各部落王公內簡用。○二十年議準。都爾伯特汗王屬下之台吉。授以公及扎薩克等爵。台吉屬下之宰桑。授以美楞。扎蘭。蘇木章京。坤都。伯什庫。達魯噶等職。美楞之職。與副都統同。扎蘭。與叅領同。蘇木章京。與佐領同。坤都。與驍騎校同。伯什庫。與領催同。達魯噶。與什長同。○

二十七年議準。都爾伯特左右翼。設副將軍二人。給以

勅印。右翼副將軍。給正黃旗纛。左翼副將軍。給正白旗纛。各一桿。仍各給令箭十有二。

一駐劄。康熙五十九年議準。澤卜尊丹巴胡圖克圖庫倫地方。俄羅斯與喀爾喀互相貿易。民人叢聚。難以稽察。嗣後內地民人。有往喀爾喀庫倫貿易者。令該管官出具印文。將貨物人數。開明報院。給與執照。出何邊口。令守口官弁。驗明院照放行。如帶軍器禁物。立即察拏送院。交

該部從重治罪。由院委監視官一人前往。會同喀爾喀土謝圖汗等彈壓稽察。二年一次更代。○雍正四年議準。西藏事務。以貝子康濟鼐爲正。以貝子阿爾布巴佐之。原令其會同衆噶卜倫等。和衷辦公而設。若伊等不睦。後起釁端。亦有關繫。應遣大臣前往。駐劄照看。其大臣更代。皆由

特簡。○五年覆準。管理喀爾喀兵丁之副將軍三人。應各給筆帖式二人。上三旗護軍纛一桿。旗牌十二面。所給之號纛旗牌。卽令筆帖式齎往。其

筆帖式更代。定以三年爲期。俟副將軍等所屬之人熟習後。奏明停遣。○又議準。喀爾喀恰克圖地方。設立互市。通俄羅斯貿易。設監視官一人。由本院司官內簡選。二年一次更代。○十年議準。駐劄喀爾喀庫倫。恰克圖。兩處監看貿易之司官。向例皆馳驛前往。二年一次更代。自備盤費。惟駐劄喀爾喀三部落偵探之司官。每日各折廩給銀一兩。嗣後駐劄庫倫。恰克圖。兩處監看貿易之司官。亦照此例。每日各折廩給銀一兩。○乾隆元年議

準。西寧駐劄大臣一人。本院司官一人。筆帖式三人。皆令互相交錯更代。統以三年爲期。其更換大臣。由院於散秩大臣。八旗護軍統領。副都統。暨各部院侍郎內。視其諳練蒙古事務者。開列。

簡用。○又覆準。北路軍營之烏里雅蘇臺地方。見駐劄叅贊大臣。應委本院筆帖式一人。馳驛前往。隨印辦事。○四年議準。駐劄西藏辦事司官。筆帖式。照駐劄哈密。瓜州。司官筆帖式例。定爲二年一換。不必交錯更代。俟新去之

司官筆帖式到後。舊駐劄之人。留住三月。將舊事交代明白。再令回京。○五年議準。土爾古特羅卜。臧達爾扎年幼。新襲貝勒。應差本院司官一人。前往駐劄。辦理旗務。每日折廩給銀一兩。○六年議準。喀爾喀車臣汗部落。旣設副將軍。應照例差隨印筆帖式二人。馳驛前往。其日支廩給及更代之期。悉照各部。落副將軍隨印筆帖式之例。○七年議準。駐劄庫倫司官。改爲三年一次更代。○十年議準。駐劄西藏大臣。司官。筆帖式。均一例定爲

三年更代。○十一年議準。恰克圖駐劄司官。改爲三年一次更代。○十三年奏準。本院司官筆帖式等。常有奉差在各處。經年駐劄。更代者。向將伊應得三年廩給銀一起給發。嗣後給發奉差官廩給銀。在京起身時。酌量給發一年。俟滿差後。再接發一年。若在任所及奉差之處病故。其多領銀數在百兩以上者。請

旨豁免百兩以下。卽移次戶部豁免。○十六年議準。喀爾喀口部落副將軍處隨印筆帖式。三

年更代。限期太速。嗣後改爲五年一次更代。均不準保留。○十七年奏準。土爾古特貝勒羅卜藏達爾扎。今年已及歲。可以辦理旗務。應將駐劄司官撤回。○十八年議準。土爾古特貝勒羅卜藏達爾扎。不能辦理旗務。約束屬下人。應仍遣司官一人駐劄。其更代限期及廩給銀。悉照前例。○二十四年奏準。土爾古特貝勒羅卜藏達爾扎。見今二十六歲。已能辦理旗務。屬下人俱遵法度。駐劄額濟內司官。停止更換。○又議準。庫倫恰克圖地方。

貿易事務日繁。駐劄司官。應給關防各一顆。○
二十六年議準。烏魯木齊。

特簡大臣二人。統理諸務。副都統二人。綜理屯田。侍

衛三人。

今將安西提督移駐雅爾。築城防守。

伊犁將軍

一人。統理諸務。節制天山南北各路兵丁。自伊

犁至烏魯木齊。巴里坤。自喀什噶爾。葉爾羌。阿

克蘇。和闐。至哈密等處。所駐官兵。悉聽調遣。叅

贊大臣。領隊前鋒統領。副都統。及侍衛。無定員。

其經理厄魯特貿易。及稽察臺站諸務。與聽差

各官。均隨時酌委。無定額。○二十七年議準。派

往庫倫會同桑宰多爾濟辦事之大臣。三年一
次更換。白院列名請

旨。

一會盟。土謝圖汗及所轄十九旗。盟於汗阿林

地方。為一會。卓臣汗及所轄二十二旗。盟於克

魯倫巴爾和屯。為一會。扎薩克圖汗及所轄十

六旗。盟於扎克畢賴塞欽畢都里也。諾爾。為一

會。賽因諾顏及所轄二十一旗。盟於齊齊爾里

克。為一會。○康熙二十九年覆準。喀爾喀土謝

圖汗。車臣汗等。內屬。應照四十九旗例。永定會

盟之典。其台吉等有遠駐外邊者。由院遣官豫行調取。至會盟之期齊集。三十年。聖祖仁皇帝以喀爾喀新附數十萬衆。必訓以法度。俾知禮儀。

特命行會閱禮於上都多倫諾爾之地。前期命理藩院調集新附之喀爾喀兩翼部落。並傳知科爾沁等四十九旗之王台吉。皆豫屯於會閱之地百里以外。

聖駕發京師。上三旗官兵隨行。由張家口出。下五旗官兵由獨石口出。赴

御營。軍臨多羅諾爾。布營設哨。三旗護軍共爲一營。居中屯扎。八旗前鋒爲二營。五旗護軍爲十營。火器營兵爲口營。共十六營。環

御營屯扎。八旗前鋒爲四汛。八旗護軍爲二十四汛。各設廬帳。繞營而屯。傳

諭蒙古喀爾喀等。前屯於百里外者。移附御營五十里屯扎。不得入哨內。

命議定喀爾喀賞格爲九等。坐次爲七行。進見燕會禮儀。悉照四十九旗例行。屆期設

帳殿於網城南門前。中設

御榻旁設武備院行帳幕次各二。前張黃幕。設反玷。列尊壘。設騎駕鹵簿於

帳殿前。

聖駕出入作樂。設燕筵於各班次。衆畢集。奏聞。

聖祖仁皇帝出御營。乘馬臨帳殿。

陞座。理藩院大臣。鴻臚寺官員。引導喀爾喀汗。濟農。諾顏。大台吉。衆等聽排班。奏樂。鳴贊。官傳贊。行三跪九叩禮。畢。樂止。理藩院大臣。官員。引內外王貝勒。貝子。公。台吉等列於左。喀爾喀汗等列於

右。各於本位一叩坐。進

御筵。奏樂。進茶。衆喀爾喀皆叩首。進茶畢。乃進酒。進酒。大臣出班跪。衆皆跪。奏樂。各於其位行一叩禮。

進酒畢。坐。執事者酌金卮立。

賜進酒大臣。大臣跪受。一叩飲畢。復一叩興。入班坐。乃進饌。次第演舞。奏樂。衆技畢。陳有

旨召喀爾喀汗。濟農。諾顏。大台吉等近

御榻前。

親賜以酒。其餘台吉等。令各侍衛於坐處賜酒畢。御筵徹。四十九旗之王台吉及衆喀爾喀。行一跪三叩

禮不贊謝

恩仍按翼序立。禮部大臣奏禮成。

聖祖仁皇帝駕還行宮。次日八旗滿洲及漢軍火器營

綠旗營官兵排列火礮。

上躬擐甲胄大閱畢宣

訓諭勅書於衆喀爾喀。先是土謝圖汗殺其扎薩克圖

汗得克得黑墨爾根阿海。從此起釁構兵。失其

游牧。先後來歸。

聖祖仁皇帝洞鑒兩翼喀爾喀交惡之原委。情事之曲

直。先傳

諭澤卜尊丹巴胡圖克圖及土謝圖汗等。令其具疏請

罪。於是集衆會盟。渙汗

大號免土謝圖汗之罪。繼扎薩克圖汗之後。使兩翼喀

爾喀相好如初。並去其濟農諾顏名號。依次錫

以汗王貝勒貝子公封爵。其台吉亦分四等。視

四十九旗。又按品級從優

恩賚冠服銀幣等物。其四十九旗亦按品級

賜冠服銀幣有差。頒賞訖。均於網城南門前聽鳴贊官

傳贊謝

恩。行三跪九叩禮。會閱禮成。

聖祖仁皇帝回鑾。○雍正三年議準。向例內扎薩克外三路之喀爾喀等。三年一次奏遣大臣。前往會盟。辦理一切刑名。將丁數開造細冊送院。由院具題。今辦理青海蒙古事務大臣。見在西寧居住。每屆三年。不必由

京師

特簡大臣。止令各旗覈明丁數。呈駐劄西寧大臣。轉送到院。照例具題。再一切刑名事件。著各旗訊明。呈報駐劄西寧大臣。如尋常事。酌量遣官。會同扎薩克辦理。若繫大事。令駐劄西寧大臣。約

定地方。與扎薩克等會盟議結。○六年定喀爾喀四會。每會設正副盟長各一人。○乾隆元年奏準。喀爾喀四部落游牧處兵丁萬餘。向在游牧地方操演守禦。豫備有警。刻期傳集。誠恐日久廢弛。軍裝器械。亦必不時察閱。如有舊敝。卽令修理更換。該副將軍。叅贊貝勒公等。每歲一次會盟。簡稽軍實。奉

旨。喀爾喀游牧地方防守兵丁。俟會盟察驗軍容器械之時。將軍與叅贊大臣等會議。於叅贊大臣內令一人。會同喀爾喀副將軍。叅贊貝勒公等。一同

察驗。至幾年一次。將軍親驗之處。額駙策凌酌量
辦理。欽此。○又奏準。將土謝圖汗等十七旗兵丁。
於烏克圖爾濟爾噶朗圖地方察驗。車臣汗二
十二旗兵丁。於克魯倫得爾格爾帑吉地方察
驗。王敏珠爾多爾濟等六旗兵丁。於依克噶扎
爾古爾班察漢布喇克地方察驗。賽因諾顏部
落之十九旗兵丁。於塔密爾地方察驗。扎薩克
圖汗部落之和托輝特等六旗兵丁。於哈綏地
方察驗。格勒克顏披爾等九旗兵丁。於尼纍等
處地方察驗。但各部落與所定地方相離遙遠。

若令叅贊大臣一人。周圍察驗。甚需時日。傳集
蒙古兵丁。於所在地方久候。則馬匹牲畜。必致
勞瘁。應令叅贊大臣二人前往。一往西路。扎薩
克圖汗及賽因諾顏兩部落。一往東路。土謝圖
汗及車臣汗兩部落。奏

旨。今年著如此察驗。再察驗之時。令叅贊大臣往一
路去。彼一路。爾等酌委官員前往察驗。○十年
諭。喀爾喀四部落游牧處防守示威兵丁。每歲軍營
叅贊大臣前往簡閱。蒙古等遠離游牧。未免勞苦。
每年著各該副將軍等察驗。其軍營叅贊大臣。著

閒歲一次往驗。欽此。○十六年議準。青海扎薩克
蒙古等。停止每年會盟。著閒年一次舉行。○二
十年議準。以都爾伯特特古斯庫魯克汗。爲薩
音濟雅噶圖盟長。給與印信。會盟。一如喀爾喀
之例舉行。

一

勅印。順治十年。給厄魯特顧實汗金

冊。○康熙十三年。給喀爾喀扎薩克阿海。青台

吉

勅印。○三十一年。覆準。喀爾喀旗分。應鑄給印信。以

昭職守。其印文。清字兼蒙古字。印式與四十九
旗同。○三十二年。覆準。達賴汗自伊祖顧實汗
以來。敬謹納貢。應給與

勅書。○三十五年。覆準。喀爾喀郡王有軍功者。升爲
親王。貝子有軍功者。升爲郡王。該部撰給

勅命。○乾隆十二年。議準。喀爾喀四盟長。均給與印
信。與內扎薩克六盟長同。○二十年。奏準。給都
爾伯特汗等印信。管理扎薩克事務。

一禁令。康熙二十一年。題準。厄魯特。喀爾喀等
人謝

恩不得過二百名。若來人衆多。分爲數次。○二十四年題準。喀爾喀進貢人違禁得罪者。大事照內例治罪。小事行文扎薩克處。令交所罰牲畜。○二十六年覆準。興安後齊達齊牢地方。禁止巴爾虎私進哨地游牧。○又覆準。嗣後著喀爾喀車臣汗嚴禁所屬。毋得擅入哨地游牧。○二十八年議準。喀爾喀台吉從人。在庫爾齊爾地方。違禁放槍游獵者。該台吉罰五九牲畜。從人鞭八十。○三十一年覆準。喀爾喀等。每扎薩克各頒給律例一冊。

一隨圍。乾隆六年。定邊左副將軍具奏。從前

聖祖仁皇帝哨鹿行圍時。

御旨及乾清門行走。並諳於騎射之喀爾喀台吉等。均扈從隨行。今

皇上哨鹿行圍。應否令其扈從。奉

旨。喀爾喀等既已備兵。大扎薩克不必前來。閑散公台吉等內。應令幾人前來。著理藩院請旨。欽此。遵旨奏準。

聖祖仁皇帝哨鹿行圍。曾選喀爾喀內諳於騎射之台吉等隨行。今既奉

旨不令備兵之喀爾喀大扎薩克前來。其不備兵之
公台吉內。何人諳於騎射。可以隨圍者。應令開
散公台吉內酌選數人。於哨鹿行圍時。扣算日
期。令往博羅河屯伺候。○十四年奉

旨。此次哨鹿圍場。喀爾喀來隨圍諳於騎射者九人。
自額駙策凌奏準以來。每次僅此數人前來。喀爾
喀四部落王公台吉內。不無諳於騎射之人。理宜
令班行走。若分班前往。皆得瞻仰朕顏。朕亦得識
認伊等。況且前往之十人內。如世子成滾扎布。公
品級額林沁等。率領行走。約束衆等。亦屬有益。其

如何分班前往。每班令何人率領。著理藩院議奏。
欽此。遵

旨。準。喀爾喀四部落內。何人諳於騎射。難以懸定。
且又有鄂爾坤烏里雅蘇臺軍營之班。無從分
晰。應令額駙策凌。於四部落王公台吉內。每班
選十人。其率領約束。均如世子成滾扎布。公品
級台吉額林沁之人。令一人率領前往。共分幾
班。何人率領。令將名數具奏。○十五年議準。喀
爾喀四部落王公台吉隨圍。分爲四班。每班十
人。輪班隨行。其公品級額林沁。照常率領行走。

外。若遇定邊左副將軍親王成滾扎布應去之年。令其豫爲奏請。

一卹唁。康熙十一年題準。外藩蒙古和碩親王薨逝。賜犢一。羊八。酒九。餅。紙萬張。內閣撰擬清字蒙古字祭文。遣內大臣一人。侍衛一人。禮部本院。尚書或侍郎一人。郎中或員外郎各一人。前往讀文致祭。多羅郡王薨逝。賜犢一。羊六。酒七。餅。紙八。張。遣侍衛一人。禮部本院。侍郎一人。郎中或員外郎各一人。前往讀文致祭。多羅貝勒薨逝。賜犢一。羊四。酒五。餅。紙五千張。鎮國

公薨逝。賜犢一。羊四。酒四。餅。紙四千張。輔國公薨逝。賜羊四。酒四。餅。紙三千張。皆遣侍衛一人。禮部本院。郎中或員外郎一人。前往讀文致祭。一等台吉薨逝。賜羊三。酒三。餅。紙二千張。因功授子爵者薨逝。賜羊二。酒二。餅。紙千張。皆酌遣禮部或本院官。前往讀文致祭。下嫁外藩固倫公主薨逝。賜牛羊。紙。酒。遣官致祭之禮。與和碩親王同。和碩公主。郡主。親王。適福晉。薨逝。賜牛羊。紙。酒。遣官致祭之禮。與多羅郡王同。縣主。多羅郡王。適福晉。薨逝。賜羊五。酒五。餅。紙六千張。

酌遣禮部或本院官。前往讀文致祭。凡祭文均由
內閣撰擬。兼書清字蒙古字。郡君貝勒適夫人。薨
逝。賜羊三。酒三。餅。紙四千張。縣君貝子夫人。薨逝。
賜羊二。酒二。餅。紙四千張。鄉君公夫人。薨逝。賜羊
二。酒二。餅。紙三千張。郡君貝勒夫人以下。鄉君公
夫人以上。不給祭文。酌遣本院官前往致祭。以上
遣往官員。將祭文齎赴殯所。本家率所屬官員。於
一里外跪迎。候

欽差過後隨行。讀文祭酒時。齊集之衆。蒙古皆跪。祭畢。
遙望

闕廷恭謝

天恩。行三跪九叩禮。○三十七年議準。外藩蒙古等向
不焚紙。嗣後凡致祭親王以下。一等台吉以上。親
王適福晉以下。公夫人以上。皆停給紙張。其牛羊
祭酒。若從此攜牲。路途遙遠。且勞驛馬。應於該部
折價。交與往祭官員。在本處採辦。○四十三年奉
旨。嗣後公以上賜卹之事。著照常繕本具題。一等台吉以
下賜卹之事。不必繕本具題。著繕摺奏聞。○五十九年
定。蒙古郡王福晉貝勒貝子公夫人。薨故者。應否
賜卹。由院先行奏請。○雍正三年。奏請賜卹。奉

旨。此等已故夫人。其夫或子曾否効力受

皇考眷顧之處。朕知之不確。難以即行批發。嗣後爾院遇

此等賜卹之事。開其夫若子曾否効力受恩事蹟。於奏

內另行夾簽。仍兩議請旨。○四年。題請青海輔國公賜

卹奉

旨。青海地方甚遠。若此處遣官往返。有累驛站。西寧見有

駐劄侍衛。將祭文發往。可以致祭。著理藩院會同內閣

議。欽此。遵

旨議準。嗣後青海如有致祭之事。著遣西寧之侍衛。倘侍

衛不敷差遣。令總理青海蒙古事務大臣。行文該

督。於綠營參將游擊內酌委一人。代侍衛前往致

祭。其祭文並羊酒折價銀。均由驛站發往。○十年

奏請。向例外潘王貝勒貝子公。一等台吉。薨故。均

加恩賜祭。惟額駙無致祭之例。按和碩公主之和碩額

駙。加貝子品級。郡主額駙。加公爵。縣主額駙。加一

等台吉職銜。今身故縣主額駙扎木素。照一等台

吉例。應否

加恩致祭。相應奏請。奉

旨。額駙扎木素。既照一等台吉例。應致祭。嗣後遇有額駙

病故者。皆著加恩致祭。

一呼倫布俞爾授官。雍正十二年覆準。喀爾喀貝子顏楚卜多爾濟等奏。巴爾虎人等感恩。願移駐呼倫布俞爾地方游牧。計巴爾虎人共二千九百八十四名。內選擇壯丁二千四百名。餘皆作為隨丁。應照索倫之例。每一佐領設領催六名。驍騎三十四名。覈計壯丁共編為四十佐領。歸并八旗。每翼設總管一人。每旗設副管一人。每佐領設佐領。驍騎校各一人。其俸祿錢糧均照索倫官兵之例。給與。闕出。由黑龍江將軍擬定正陪。送院引見補授。再見在索倫兵有鳥槍二百桿。今應增給鳥槍。

三百桿。不按旗分。但遴選巴爾虎等能用鳥槍者。令其演習。自總管以下。均屬黑龍江將軍管轄。乾隆八年議準。移駐呼倫布俞爾之巴爾虎。原設總管副管佐領驍騎為數過多。應照索倫之例酌減。其總管二人。仍舊分轄兩翼。副管八人。應留四人。各轄兩旗。四十佐領。應留二十四佐領。每一佐領設領催四名。驍騎三十六名。作為額內兵丁。其應裁副管佐領驍騎。埃闕。陸續裁汰。一俄羅斯互市。康熙二十八年議準。黑龍江後綽羅那烏母河相近。以格勒必齊河為界。自大興安

嶺以至於海。山之陽爲內地。山之陰爲俄羅斯地。○三十一年議準。俄羅斯國貿易人。不得過二百名。隔三年來京一次。在路自備馬駝盤費。一應貨物。不令納稅。犯禁之物。不準交易。到京時。安置俄羅斯館。不支廩給。定限八十日起程。○又覆準。俄羅斯察漢汗奏文。與外國奏文體式不合。將貢物奏文一并發回。但該國地遠。不知中國制度。將原奏不合式之處。明白曉諭。來使。

召見時。照常

恩賜。帶來貨物。仍令貿易。嗣後俄羅斯奏文。先令黑龍江將軍開看。若有不合式處。卽自邊地撥回。驗明合式。方令入奏。到京之日。令來使於

午門前跪。奉置黃案上。行三跪九叩禮。○又覆準。俄羅斯有私越邊界者。應拏送該管官。照所犯輕重治罪。今俄羅斯復有潛至景齊禮烏拉等處。打貂行走。恐伊等頭目不知。應行文尼卜楚城守尉。察拏治罪。並申飭該國人。嗣後不許私越疆界。如城守尉察拏不嚴。卽行文該國察漢汗。將城守尉一并治罪。○雍正五年

諭俄羅斯既請將馬匹牲口留於口外牧放。著照所請。爾院差司官一人。前去照看。嚴禁賊盜爭鬪。此次所去司官。著曉諭俄羅斯郎喀。因爾等馬匹牲口。在此牧放。特差理藩院官前來照看。於所留人內選擇善為約束者為頭目。令其約束屬下。勿令生事。再行文與相近居住之總管等。各飭所屬。用心收管。禁止賊盜。俄羅斯乃外域小國。其馬匹牲口。若有被盜遺失。亞何人地方。即著該屬總管等嚴察務獲。如行覓不獲。該屬總管等即照數具還。欽此。○又議準。俄羅斯人所居近山河者。以山河為界。無山河之空

地。設立鄂博為界。自東邊之厄爾古納河以內。至厄白爾哈黨蘇卡。外空地。從中平分。如有偏出偏入。交錯居住之人。彼此察明。令各移於界內居住。以齊邊界。○又議準。俄羅斯館內設立廟宇。令在京之俄羅斯僧一人居住。並照該國所請。增俄羅斯僧三人。俟送到時。一并給與口糧食物。聽其於廟內行俄羅斯教。禮拜念經。無庸禁止。又使臣薩硯及留京學書之俄羅斯四人。教習二人。亦令在館居住。一例給與口糧食物。○六年議準。俄羅斯國學生。俟送到時。令

其在俄羅斯館居住。交與國子監。選滿漢助教各一人。往館教習清漢文。○九年奏準。俄羅斯買賣人來時。喀爾喀土謝圖汗等報院。具奏請旨。委官一人。馳驛前往恰克圖地方伴接。沿途照看。其買賣人仍依原議。不給口糧食物。一應夫馬。聽其自備。由張家口至京。路途耽寓。令官兵護送看守。到京進館後。兵部奏點副都統及官兵看守。買賣人出館行走。皆令護軍等伴行。

特簡內大臣。部院堂官數人。總理俄羅斯事務。其監視貿易官二人。開列侍讀學士。科道等職名。引

見簡用。○十年奏準。俄羅斯貿易事畢。起程時。照例委官撥兵。沿途護送。開列監視貿易官等職

名。候

欽點一人。送至邊界。

一烏魯木齊駐防。乾隆二十六年題定。滿洲兵三百名。察哈爾厄魯特兵二百名。駐防綠旗六千四百九十二名。

今以安西提督率所屬標兵移駐。原設兵丁。移駐雅爾。

○屯田。乾隆二十三年。烏魯木齊試墾地八千畝。共收糧三千五百四十二石五斗。二十四年。屯兵八百名。增墾地七千百三十畝。共墾地萬

五千百三十畝。夏秋折收糧九千三百二十四石有奇。又調征改屯兵百八十名。新墾地千五百四十二畝。夏秋折收糧七百七十一石有奇。二十五年。屯兵千八百四十三名。共墾地三萬七千百七十四畝。夏秋折收糧三萬九千七百七十三石有奇。二十六年。屯兵千三百四十五名。共墾地二萬九千九百九畝。夏秋折收糧三萬九千七百七十三石有奇。設屯田副都統經理。新疆地本膏沃。屯日增。土田日闢。所收歲各不同。今止錄已墾之數。餘仿此。○昌吉。東距烏魯木齊八十里。乾隆二十五年。屯兵

千六百二十七名。試墾地三萬二千五百四十畝。夏秋折收糧二萬二千三百三十三石有奇。二十六年。屯兵千六百二十一名。共墾地三千四百二十四畝。夏秋折收糧萬九千九十八石有奇。有都司經理。○羅克倫。東距昌吉二十里。乾隆二十五年。屯兵八百七十三名。試墾地七千四百六十畝。夏秋折收糧三千八百二十八石有奇。二十六年。屯兵千五十九名。共墾地二萬一千十八畝。夏秋折收糧萬二千二百九十九石有奇。有游擊經理。○乾隆二十七年

奏準分撥屯兵於瑪那斯安齊海晶三處試墾地畝。

一伊犁駐防原議駐兵千五百名乾隆二十六年議準增兵千名內滿洲兵千名索倫兵七百名察哈爾厄魯特兵八百名又將葉爾羌駐防兵內減撤百名移駐伊犁共兵一千六百名又

厄魯特兵九十八名

伊犁地廣七沃見在移駐涼莊滿兵奉天席伯兵索

倫察哈爾游牧兵及熱河居住達什達瓦舊屬之厄魯特兵以次調駐陸續經理

田乾隆二十五年令戶克蘇回人三百名攜帶籽種偕同綠營官兵如法試種計試種黍米籽

種九十石五斗得收穫黍米千一百三十三石有奇試種粟米籽種一百一十一石得收穫粟米二千六百二十二石二十六年屯兵八百人受田二十畝共屯田萬六千畝分種大小麥稞糜穀五種得大麥千一百石小麥萬二千六十石青稞三千一百五十石糜子三千八百四十石穀子七千石計共收穫糧二萬七千一百餘石又屯田回人八百戶論籽種不計頃畝每戶各種二麥一石穀黍五斗二麥收穫二十分有奇黍穀收穫四十分有奇每戶約收四十餘石

計共得糧三萬二千餘石。二十七年於塔爾奇築城以居屯兵。固爾扎築城以居回民。屯兵官給籽種口糧。歲入悉以輸官。屯民聽其耕作。定以歲輸十六石為額。外存籽種。每戶一石五斗。收貯官所。埃來歲播穀時分給。餘則聽收。以資養贍。有總兵侍衛等員分理。屯田回民戶口詳徠遠司一游牧察哈爾。康熙十五年定。游牧察哈爾分左右兩翼。統設八旗。隸在京都統管轄。該管牧處。毋庸別設都統。副都統。每旗設總管一人。副管一人。其會盟應於哈柳台地方。不設盟長。由

京

簡命大臣。前徃裁決。仍照例設參領以下等官。○四十二年奏準。游牧察哈爾左翼捕盜官。統以六品頂帶。食半俸。○六十年題準。厄魯特準噶爾處歸順及俘獲之人。合編一佐領。安插於正白旗。游牧察哈爾。一同當差。○雍正元年

諭。八旗游牧察哈爾三年比丁。交總管等詳察明白。將比過丁數各造冊報該旗都統。欽此。○又

諭。察哈爾蒙古來京選補護軍。倘遇出痘。未免損傷。嗣後八旗察哈爾護軍。即著總管副管參領。公同閱看。

以人材可用者充補。俟三年察覈軍器時。從京師奏遣大臣。一并驗看。欽此。○又議準。游牧察哈爾右翼捕盜官。照左翼例。給與六品頂帶。食半俸。○又議準。游牧察哈爾。每旗設理事員外郎二人。在京與游牧察哈爾旗下各選授一人。審理一廳事務。在京選用者。由院將蒙古一旗之護軍校。驍騎校。中書筆帖式。護軍。內遴選精通滿洲蒙古文義。辦事去得者。咨送吏部引。

見補授。若由護軍校。驍騎校。則授為理事員外郎。各較其俸。以應升之官升授。如有才能出眾者。保

送吏部。以應升之官即用。若由中書筆帖式。護軍。則授為主事。俟三。後果能稱職。保送吏部具奏。授為理事員外郎。在外選用者。由院察哈爾總管等。於各旗散秩官員。護軍校。驍騎校。內簡選人去得。能辦事者。保送二人。擬定正陪。送院引。

見。授為理事員外郎。此內有才能出眾者。準以應升之叅領。佐領。并用。各旗之筆帖式。辦事好者。一例入選。保送引。

見後。授為主事。三年稱職。保送到院。兵奏授為員外

郎均給與半俸。○四年覆準游牧察哈爾蒙古與內地旗人一同打圍出師各處効力行走。但身未出痘者多。或至炎熱地方多有舛失。應每年遣醫馳驛前往。情願種痘者。令其種痘。於左右兩翼。差在京醫生二人。帶好痂苗前去。相反彼處氣候。如法種痘。每年種過一兒若干。曾否傷損之處。令總管等咨呈報院。交太醫院將種痘好者議叙。劣者懲治。○五年

諭。從前游牧察哈爾地方理員外郎。皆由內地人補授。後曰本處旗人。知蒙古情形。於事必有裨益。是以

將察哈爾之人分授。今看來甚屬無益。嗣後咨送之人。若平常者。即以內地人補授。欽此。○六年奉旨。本處醫生。停止前往。明年察哈爾旗下有要務者。總管等皆於年前請醫。報院具奏。再令醫生前往。○

七年

諭。八旗游牧處所關緊要。總管等常有貪冒尅扣之事。再蒙古遇有詞訟。因無稽察之人。負屈無伸。嗣後每年或部院司官。或御史。點出一人。照各省一例巡察。歸化城亦點一人前往。欽此。○十一年議準。嗣後由京補授之游牧察哈爾理事官。將簡選護軍校。

驍騎校護軍之例停止。專在各旗見任部院衙門主事。小京官。中書筆帖式。內簡選通曉滿洲蒙古文義。能辦事者。咨送吏部引。

見補授。由主事。則授為員外郎。由小京官。中書筆帖式。則授為主事。由外補授之察哈爾理事官。該總管仍於散秩官筆帖式。護軍校。驍騎校。內保送到院遴選。如咨送人員尚好。仍照前例引。

見補授。若人平常。準於在京蒙古旗下。遴選通曉滿洲蒙古語。兼能辦事之護軍校。驍騎校。護軍。由院引。

見補授。○乾隆六年議奏。謹按康熙四十二年。

聖祖仁皇帝哨鹿圍場時。曾以八旗游牧。察哈爾之巴

爾虎八十名。五十二年。點巴爾虎百名。只點人材強健。諳於馬步射之人十名。與巴爾虎一同學習行走。今

皇上行圍。八旗游牧。察哈爾之巴爾虎。或點八十名。或百名。再每旗各選人材強健。諳於騎射。人名之處。恭請

欽定。奉

旨。著用巴爾虎八十名。○十二年奉

旨。巡察官員。並無裨益。著限年停止。以應稽察時特遣。○二十四年奉

旨。歸入游牧察哈爾旗下之厄魯特。恩賞二三四品官。內有陣亡。及在軍前病故者。其子孫著降等承襲。至八品官。亦照八旗廕例。世襲罔替。○二十六年遵

旨。議準。游牧察哈爾。增設都統一人。副都統各一人。都統駐劄張家口。副都統各在左右。翼游分邊界附近駐劄。副都統各理所屬事務。都統綜理游牧八旗事務。兼轄張家口官兵。如補放官員。

該副都統會同都統。詳加簡選。將選擬之人。仍咨送在京各該旗引

見。○二十七年奏準。游牧察哈爾副管。左右翼捕盜官。悉行裁汰。

一唐古忒學。順治十四年題準。每旗各選人。學習唐古忒字義。給教習人六品俸。○乾隆五十年。議準。唐古忒學助教。原為教訓學生。及繙譯所降達賴喇嘛之

旨。並西藏送到一應文書。而設八旗滿洲蒙古各學舍。皆有額設助教。嗣後唐古忒學助教。亦定為

額設之官。

一喇嘛封號

勅印。順治十年。前藏五世達賴喇嘛來朝。

賜以金

冊金印。授為西天大善自在佛。領天下釋教。普進。

赤喇怛刺達賴喇嘛。十八年。合客爾客丹津

喇嘛

勅。康熙十五年。後藏班臣胡圖克圖。遣使。

進貢。十八年。題準。扎薩克大喇嘛。給與印信。

其餘格隆。第等。給與禁條度牒。不給印信。

三十年。喀爾喀庫倫澤卜尊丹巴胡圖克圖。率

領喀爾喀七旗。於多。諾爾地。朝覲。三十

二年。封澤卜尊丹巴胡圖克圖為大喇嘛。喀

爾喀地方立為庫倫。廣演黃教。三十七年。封

扎薩克大喇嘛。默爾根。綽爾濟。為灌頂普惠弘

善大國師。給以

勅印。四十四年。封章嘉胡圖克圖為灌頂普善廣

慈大國師。給以

誥勅印。四十九年。封前藏伊西扎穆蘇為六世達

賴喇嘛。

賜以金印金

冊。後廢。○五十二年議準。班臣胡圖克圖。勤修釋教。敬謹納貢。應照達賴喇嘛之例。給與金

冊金印

勅書。錫封班臣額爾德尼。○五十七年覆準。西寧衮布廟喇嘛達賴諾們汗。奏請封號。授為西勒圖達賴諾們汗。給以

勅。○五十八年議準。拉牙察木道。兩處首領喇嘛。羅卜藏納木扎爾胡圖克圖。吉克帕克巴拉丹拜尼瑪胡圖克圖。從前因遣往雪山之使。豫備

烏拉。敬謹奉行。今呈請名號。

賜拉牙胡圖克圖為闡揚宗教諾們汗。察木道胡圖克圖為大門黃教額爾德尼諾們汗。均給以封號

勅印。○五十九年。封前藏噶爾藏堅不錯為與教度衆六世達賴喇嘛。給金印金

冊。○又覆準。西寧衮布廟阿旺喇嘛。奏請封號。授為扶佑黃教額爾德尼諾們汗。給以

勅印。○又覆準。青海親王羅卜藏丹晉。奏請垂卜藏胡圖克圖封號。授為資教額爾德尼諾們汗。給

以

勅印。○六十年覆準。西寧衮布廟西勒圖達賴諾們

汗。照伊封號。給以

勅印。○雍正元年議準。達賴喇嘛印

冊。照五世達賴喇嘛之銜換給。并增蒙古字。別給

勅書。令其辦理噶卜倫事務。○又覆準。澤卜尊丹巴

胡圖克圖。應照班臣。達賴喇嘛之例。給與封號。

賜、印

勅書。授為啟法澤卜尊丹巴喇嘛。○議準。多爾濟

萬楚克。給以掌管澤卜尊丹巴胡圖克圖徒衆。

辦理庫倫事務。額爾德尼商卓忒巴之號。堪布

諾們汗。給以掌管澤卜尊丹巴胡圖克圖經壇

總理番僧事務。堪布諾們汗之號。各給以

勅印。○又覆準。甘珠爾巴噶卜楚。額爾濟格特諾們

汗。均繫大喇嘛。應封甘珠爾巴噶卜楚為達教

甘珠爾巴默爾根諾們汗。額爾濟格特諾們汗

為興教善知識。諾們汗。各給以

勅印。○又議準。裡業烏齊廟喇嘛阿汪扎布陳勒胡

圖克圖。嘉喇廟喇嘛阿旺胡圖克圖。均給與胡

圖克圖封號

勅印。○五年具奏。達錫吹品爾托音奉使西域。齋回班臣。達賴喇嘛之文。稱澤卜尊丹巴胡圖克圖。再生衆喀爾喀。遣使請封。應將額駙敦多卜多爾濟之子。準爲澤卜尊丹巴胡圖克圖之胡畢爾汗。奉

旨。理藩院奏請。勅封澤卜尊丹巴胡圖克圖之後身。澤卜尊丹巴胡圖克圖。其鍾靈大有根源。乃與達賴喇嘛。一臣額爾德尼。相等之大喇嘛也。衆喀爾喀。皆尊敬供奉。且其所居庫倫。弟子甚衆。著用帑銀十萬兩。修建大刹。封伊後身。○九年

諭。澤卜尊丹巴胡圖克圖之胡畢爾汗。年幼。達錫吹品爾托音。又甚年老。今當準噶爾賊人。擾之際。令在庫倫居住。甚不與協。庫倫地方。廟宇尚未完工。倫諾爾所修廟宇。業已告竣。應俟明春。草萌時。將胡畢爾汗。同達錫吹品爾托音等。移至多倫。訂爾廟內居住。俟軍務平定。再回庫倫。欽此。○十二年覆準。封二官胡圖克圖。爲靜修禪師。給以

勅印。○又覆準。封西藏達賴喇嘛之師道都溫都遜堪布。爲闡揚黃教阿齊圖諾們汗。給以

勅印。○又覆準。封噶爾旦西勒圖。爲慧悟禪師。給以

勅印。○又覆準。封布魯克巴胡畢爾汗喇嘛扎爾西里布魯克顧濟。為掌管布魯克巴黃教扎爾西里胡畢爾汗。諾顏林沁齊雷喇卜濟。為額爾德尼第巴。噶畢冬魯卜。為掌管地方噶畢冬魯卜喇嘛。各給以

勅印。○又覆準。章嘉胡圖克圖胡畢爾汗。不歷甚明。於經典性宗。皆能通曉。不昧前因。實為喇嘛內特出之人。應照前身。冊封國師之號。其原賜。灌頂普善廣慈大國師印。見在其。衆收貯。毋庸頒給外。辨給

誥命。勅書。○乾隆二年議準。喀爾喀額爾德尼班第達胡圖克圖。匝雅班第達胡圖克圖等。徒衆甚多。一應官差出兵。皆與扎薩克佐領下人。無一同行走。應各給與管理徒衆印信。○三年諭。澤卜尊丹巴切圖克圖前身。乃衆喀爾喀江三等。以師禮供養有名之大喇嘛也。

皇祖

皇考皆特恩軫卹。

皇考命錫冊印。封為啟法澤卜尊丹巴喇嘛。今看此胡畢爾汗。賦性聰明。舉止端重。儀表甚好。曾蒙

皇考睿鑒降旨云。此實繫澤卜尊丹巴喇嘛之後身。今胡圖克圖既奏請來京。其頒給冊印勅封之處。著理藩院察例議奏。欽此。遵

旨。議準。將澤卜尊丹巴胡圖克圖之後身。仍照前身錫號冊封。前賜啟法澤卜尊丹巴喇嘛之印。照常存留外。別製新

冊頒給。○四年議準。澤卜尊丹巴胡圖克圖之師東科爾滿珠西里胡圖克圖。給與封號印信。○五年議準。班臣額爾德尼之胡畢爾汗。經達賴喇嘛等驗明是實。應送往後藏坐牀。○又議準。見

今準噶爾軍務平定。澤卜尊丹巴胡圖克圖。仍應移往喀爾喀庫倫地方居住。○本院司官一人。會同照舊胡圖克圖之侍衛等送往。奉

旨。胡圖克圖今歲遷移。計六到彼處。束裝起程。將屆暑熱。著埃明。歲青草發萌。再行遷移。○行時。賜銀萬兩。○六年

諭。從前恐準噶爾人等潛入喀爾喀地方。窺伺澤卜尊丹巴胡圖克圖之胡畢爾汗。曾蒙

皇考特降

諭旨。將胡圖克圖移至多倫諾爾地方居住。今因軍務

已竣。將胡圖克圖仍移於喀爾喀之庫倫地方居住。但準噶爾向來狡詐。反覆不常。今雖敬順求和。猶恐一時改變。別起釁端。又發兵前來。窺伺胡圖克圖。亦未可定。其保固防備之處。若不豫爲籌畫。似屬可慮。若行文額駙策凌等。如何將澤卜尊丹巴胡圖克圖所在庫倫地方保護。防備。如遇有警。如何將胡圖克圖移住內地。務計萬全辦理。並會司喀爾喀口部落之副將軍大扎薩克等。管理胡圖克圖庫倫事務之土謝圖汗。丹多爾濟。額駙敦多卜多爾濟等。商酌詳悉議奏。從前胡圖克

圖在多倫諾爾地方居住時。曾差侍衛二人。輪班照管。今胡圖克圖初移徙前去。仍以前例。差侍衛二人。每年一次。令在胡圖克圖處照管。胡圖克圖處有朕之侍衛照管。不但諸事有益。其胡圖克圖在彼安居身體康泰之處。朕亦不時往觀。此遵旨議準。後庫倫廟。建於衣奔地方。與邊界相近。應令澤卜尊丹巴胡圖克圖。在見駐之庫倫居住。撥喀爾喀四部落兵三百名。胡圖克圖之沙畢納爾兵二百名。令扎薩克一人。官二人。駐劄管轄。如遇有警。由軍營卽速馳報。著額駙敦多卜多

爾濟率此官兵。保護胡圖克圖。移進多倫諾爾地方居住。

欽差之侍衛二人。亦著一同護送。○又議準。班臣額爾德尼之胡畢爾汗。坐牀未久。正在年幼。勤學經典。專心務業之時。不便遽議換給。

冊書。俟過數年。通曉經典。再議換給。○又覆準。瀚海地方。連年亢旱。喀爾喀生計不足。請將照看澤卜尊巴胡圖克圖之喀爾喀兵二百名。撤回。其胡圖克圖之沙畢納爾。二百名。令親王額林沁多爾濟。會同商卓忒巴定議報院。○

又奏準。胡圖克圖之沙畢納爾兵二百名。亦令撤去。若遇調遣。卽刻齊集。仍著親王額林沁多爾濟。將此情由曉諭。○十六年議準。喀爾喀額爾德尼諾顏。綽爾濟羅卜藏諾爾布屬下徒衆甚多。照額爾德尼班第達胡圖克圖之例。給與印信。○十八年議準。封吉隆胡圖克圖爲慧通禪師。給以

勅印。○二十年奉

旨。準噶爾旣已平定。所有駐劄庫倫輪班照管之侍衛。著撤回。○又覆準。封喀爾喀額爾德尼諾顏。綽

爾濟羅卜藏諾爾布爲青蘇珠克圖諾們汗。換給總管喀爾喀青蘇珠克圖額爾德尼諾顏綽爾濟徒衆之印。分鑄滿洲蒙古西番三體字。○又奏準。章嘉胡圖克圖屬下徒衆甚多。照喀爾喀多爾濟汪舒克拖音。給以總管澤卜尊丹巴胡圖克圖屬下徒衆額爾德尼商三體印信之例。給與羅卜藏吹音丕爾總管章嘉胡圖克圖屬下徒衆。扎薩克喇嘛商卓特巴印信。○二十一年。特旨加封喀爾喀澤卜尊丹巴胡圖克圖爲隆教安

生澤卜尊丹巴胡圖克圖。給以

冊印。○又議奏。按雍正元年。甘珠爾巴噶卜楚封爲
述教甘珠爾巴默爾根諾們汗。給與

勅印。後經圓寂。交伊徒大喇嘛額爾克綽爾濟阿旺顏品爾收存。至乾隆五年。胡畢爾汗。經院奏明。令其師徒見面。今甘珠爾巴默爾根諾們汗之胡畢爾汗。見年二十三歲。前給

勅印。應否仍行賞給。奉

旨準給。○二十二年奏準。給青蘇珠克圖諾們汗勅一道。○二十四年議奏。達賴喇嘛圓寂之後。西藏

事務不可無總辦之人奉

旨。第穆胡圖克圖封為秉持黃教大德汗。管理西藏事務。仍給

冊一道。銀印一顆。○又議奏。慧通禪師吉隆胡圖克

圖圓寂。所有

勅印。交伊徒收貯外。按吉隆胡圖克圖所屬木地方。廟宇徒衆甚多。且西番人等。亦其所轄。見今雖繫吉隆胡圖克圖之弟阿旺諾爾布暫行管理。但未奏明。不足以資彈壓。奉

旨。胡圖克圖之弟阿旺諾爾布著賞給關防。欽此。遵

旨。議給統轄吉隆胡圖克圖屬下巴克碩特等十八廟宇生徒。唐古忒等扎薩克喇嘛之關防。○又奏準。喀爾喀諾顏胡圖克圖羅卜藏扎木揚丹津屬下徒衆。別編一位領。令其管轄。仍附入本部落內當差。並給與總管喀爾喀言身十圖克圖徒衆之印。分鐫滿洲蒙古西番三體字。○二十六年覆準。噶爾旦西勒圖胡圖克圖之徒弟昆楚克敦珠布。

賞給總管噶爾旦西勒圖胡圖克圖屬下徒衆。扎薩克喇嘛商卓特巴印信。○二十七年議奏。按康

熙五十九年。西寧衮布廟阿旺喇嘛奏請封號。授爲扶佑黃教額爾德尼諾們汗。給以

勅印。今章嘉胡圖克圖呈報阿旺喇嘛之胡畢爾汗。來歷甚明。在西藏學習經典甚好。各蒙古籲請。將前給扶佑黃教額爾德尼諾們汗

勅印。仍行換給。奉

旨。仍賞給。○又奏請。達賴喇嘛之胡畢爾汗轉世。所

有達賴喇嘛。

冊印。或卽行換給。或俟數年後再行換給。奉

旨。再行數年。○又議准。嗣後胡畢爾汗轉世。其原有

胡圖克圖封號者。卽移詢達賴喇嘛。班臣額爾

德尼。拉穆吹仲果有確據者。具奏。準其坐牀。與

徒聚處。如原無胡圖克圖封號之胡畢爾汗。令

扎薩克察其前世清規何如。所習經典。曾否能

至其分之處。詳細報明。仍令達賴喇嘛。覈實

具奏。亦準其坐牀。與徒聚處。其餘概不準爲胡

畢爾汗。其近年辨過游牧察哈爾等旗下之達

喇嘛。扎米延鍾累等七名。胡畢爾汗。應交章嘉

胡圖克圖等覆覈。分別去留。報院注册。

一喇嘛進貢。達賴喇嘛。班臣額爾德尼。閒年輪

班遣使進貢。貢道由西寧。至京師寓居西黃寺。貢物有壽帕。銅佛。舍利。珊瑚。琥珀。數珠。藏香。氍毹。之屬。來使各附進壽帕。銅佛。藏香。氍毹。有差。又貢。

慶祝禮。

番名丹舒克

有五色壽帕。銀滿達。七珍。八寶。八

吉祥。佛。像。金字經。銀塔。紅花。諸物。外。回時。皆奉。

旨。懇。問。加。

賜達賴喇嘛。重六十兩。鍍金銀茶筩。鍍金銀餅。一。銀鍾。一。各色段三十。大壽帕五。小壽帕四十。五。

色壽帕十。正使。二等雕鞍一。重三十兩。銀茶筩一。茶盆一。段三十。毛青布四百。豹皮一。虎皮三。江獺皮五。副使。三等蟒段一。方補段一。大靴一。三梭布二十四。從人。彭段各一。三梭布各八。加賜班臣額爾德尼。重三十兩。銀茶筩一。銀一。各色大段二十。大小壽帕各十。來使。金黃蟒袍一。重三十兩。銀茶盆一。段一。毛青布六十二。從人。段各二。毛青布各二十。從役。段各一。毛青布各十。日給正使銀二錢。副使銀一錢五分。從人各一錢。覈給四十日路費。送至西寧。康熙二十

三年覆準。達賴喇嘛來使從人多至數百名。嗣後使人至西寧關口時。令西寧總兵官察明人數。造冊報院。至奉使差往喇嘛人役。亦應裁減。倘有隱瞞數目。多帶人來往者。罪之。○雍正三年議準。達賴喇嘛班臣額爾德尼。向例每年遣人在打箭鑪等處徵收番人貿易稅銀。○永行停止。按其所得之分加賜。每年折給達賴喇嘛茶葉五十二。班臣額爾德尼二千五百。均田四川雅州榮經縣置辦。運至打箭鑪賞給。○四年議準。達賴喇嘛來使。令在西安候

旨。其所奏事件。著駐劄西寧辦理青海事務之大臣承接轉奏。奉

旨。後再行遣回。○六年議準。從前班臣額爾德尼遣人來貢。至西寧地方。由院差官迎接。馳驛來京。今班臣額爾德尼遣人請安。駐劄西寧辦理蒙古事務處。見有司官筆帖式。毋庸別差人員。應令司官筆帖式就近迎接。雇覓騎馱。由關口進京。不必動用驛站。○乾隆二年議準。恭按雍正六年

諭。達賴喇嘛班臣額爾德尼來使堪布。著閒年一次。貝

勃頗羅鼐之囊素。著每年一次。欽此。今班臣額爾德尼圓寂。暫不遣人。應令頗羅鼐與達賴喇嘛間年一次遣使前來。○三年諭。聞西藏大小寺廟。約有千數。各寺廟費用。養贍衆番僧及往來行走。番僧並送布施人等費用。皆達賴喇嘛給與。所費甚多。用度不敷。從了。

皇祖

皇考旨。眷顧達賴喇嘛。不時加恩賞賚。今達賴喇嘛用不敷。著於打箭鑪所收稅銀內。每年撥給五千兩。於達賴喇嘛遣人至打箭鑪領取茶葉之便。將

此項銀一併帶往。欽此。○五年奏準。自康熙年間至雍正六年。西藏達賴喇嘛等遣使進貢。均令馳驛。後因西興。值班臣額爾德尼遣使進貢。由院奏準。停止馳驛。照依時價雇羸在案。今應將累年辦給羸數奏

聞。奉

旨。知道了。嗣後羸數。著詳細覈減。不得過二百。○七年

諭。從前達賴喇嘛。班臣額爾德尼。每年輪班遣使請安。進獻方物。郡王頗羅鼐亦遣使相伴同來。嗣因

班臣額爾德尼圓寂。朕念達賴喇嘛。頗羅鼐。每年遣使。殊屬勞苦。曾經降旨。定爲間年一次。去年適值達賴喇嘛。郡王頗羅鼐遣使之班。班臣額爾德尼。胡畢爾汗。因伊坐牀。亦遣使進獻丹舒克。請安前來。若照前例輪班遣使。則今年又值班臣額爾德尼遣使之班。如屢次遣使。其辦理生。粒起程等事。唐古忒民人。未免勞苦。班臣額爾德尼。胡畢爾汗之使。若經前來。今年不必按班。下之。亦照從前輪班遣使。再郡王頗羅鼐之使。原繫每年相伴回來。嗣後達賴喇嘛遣使之班。著照舊相伴同

來。班臣額爾德尼。胡畢爾汗之班。頗羅鼐不必遣使同來。欽此。○八年奏準。西藏公班。第達等七人。間年進貢。例貢物均充達賴喇嘛等來使。赴京附進。今達賴喇嘛等遣使入京。騎馱之羸。已定額數。公班。第達等貢物。難以附進。一。馱羸三十。著爲定例。○十六年奏準。向例達賴喇嘛遣正副使入貢。續因頗羅鼐進貢。將副使改爲伊遣之使。今仍照舊例。堪布囊素。均由達賴喇嘛差遣。所有前定二百騎馱羸。內減去四十。○又議準。察木道帕克。巴拉丹拜。尼瑪。胡圖克圖。

遣使來朝。進貢金碗、黃連。照例折賞外。

賜帕克巴拉丹拜尼瑪胡圖克圖。重三十兩銀茶筩一。各色大段十有二。大。小。壽帕各七。正使三等。蟒段一。段二。布二十四。副使。段二。布十有二。從人。布六。同時。由院差領催一名。照看。照例雇給騎馱之羸。正使。日給銀二錢。副使。一錢。一分。從人。一錢。覈給四十日路費。由西安一路送至四川。至四川。由總督遣人伴送至打箭爐。其自回。嗣後。帕克巴拉胡圖克圖遣使來朝。該督即照例辦給騎馱之羸。如私帶貿易貨物。令其

辦。不在官給之例。至京後。照澤卜尊丹巴胡圖克圖來使之例。給與廩給四十日。事竣。即令起程。○二十七年。奏準。佳克拉胡圖克圖遣使來朝。進貢銅佛。藏香。壽帕。又恭進丹舒克。有銅佛。壽帕。金滿達。銅塔。藏香。諸物。除照例折賞外。仍降

旨慰問。賜佳克拉胡圖克圖大段六。彭段四。來使大段。彭段。各一。布二十。從人三名。每人布五。同時。由院遣員照看。照例雇給騎馱之羸。給四十日路費。由西安一帶送至西寧口外。令其自回。至

京後照帕克巴拉丹拜尼瑪胡圖克圖之例廩
給事竣偕班臣額爾德尼來使同回。

京師番僧扎薩克大喇嘛一人其徒衆格隆六人
班第六人副扎薩克大喇嘛一人其徒衆格隆
五人班第六人扎薩克喇嘛四人其徒衆格隆
各四人班第各六人各寺廟大喇嘛十有八人
其徒衆格隆各二人班第各六人副大喇嘛七
人其徒衆格隆各二人班第各四人閑散喇嘛
一人其徒衆班第各二人德木齊二十九人其

徒衆班第各一人格思規四十九人其徒衆班
第各一人各寺廟格隆班第共二百七十三
人。

雍和宮灌頂普善廣慈六國師章嘉胡圖克圖其
徒衆扎薩克喇嘛商卓特巴一人其徒衆班
第六人屬下格隆班第二十人又閑散喇嘛三
人其徒衆班第各二人慧悟禪師噶爾丹錫勒
圖胡圖克圖慧通禪師吉隆胡圖克圖其徒衆
均與大國師同學習經典閒散喇嘛格隆班第
五百人。○乾隆元年議準在京各寺廟原有度

牒之喇嘛格隆。班第共九百五十九名。後增福佑等寺食錢糧之格隆。班第共三百十有四名。皆未得度牒。應按名補給。再扎薩克大喇嘛以下。德木齊格思規以上。皆有隨分食糧之徒弟。若無度牒。難以稽察約束。除章嘉胡圖克圖等。自藏帶來之徒衆。不給度牒外。其餘小粒之喇嘛徒衆。應一并給與度牒。至並未食糧。又無度牒之六十七五人。繫額外所收之徒。亦給度牒。但伊等既習經典。請於各寺廟每食糧徒三十名。酌留一名。作為額外僧徒。給與度牒。其

人暫行注冊。遇食糧者有關。即將額外之人充補。額外之關。即於注冊人內選補。仍令該管大喇嘛。每年二季。將並無額外多收。及私爲私爲之處。具結報院察覈。

一後黃寺。順治八年。創建後黃寺。弟子五百有八人。均以内府三旗內管領下及五旗王公府屬管領下人披剃。內府三旗二十四人。五旗八十四人。如

上三旗有關。移咨禮部行文內務府。於本旗內管領下選一人頂補。下五旗有關。移咨禮部行文各該王公。於府屬管領下送一人頂補。○九

年題準。每歲正月初八日至十五日。後黃寺集喇嘛。格隆。班第。誦經。凡需用之物。均由禮部。光祿寺。支給。○十四年題準。後黃寺每年誦經喇嘛。格隆。班第。定為四百人。○又題準。後黃寺誦經喇嘛。格隆。班第。每年賞銀千兩。由戶部支領。○康熙十一年題準。在內王等。取行。言班第百有八人。額闕。將默爾根。綽爾濟。額外冊內有名之。班第。頂補。若無頂補之人。仍行禮部。各原主名下取人充補。逃走自歸者。革退班第。還原主。○四十六年議準。本院見已設立銀

將後黃寺每年誦經應用香供等費銀八十兩。七錢四分五釐。及賞給喇嘛。格隆。班第等銀千兩。均改於本院庫內支給。一分駐番僧。

盛京實勝寺。大喇嘛一人。永安寺。

即中園。二。味一

人。瑪哈噶喇樓。大喇嘛二人。東西南北四塔。八

喇嘛各一人。○西勒圖庫倫。扎薩克大喇嘛一

人。扎薩克喇嘛四人。○西安廣仁寺。大喇嘛一

人。○西寧西勒圖。達賴諾們汗大喇嘛一人。○

五臺山菩薩頂。扎薩克喇嘛一人。射虎川臺麓

寺。大喇嘛一人。

屬五臺山扎薩克喇嘛管轄。

○歸化城。扎薩

克。大喇嘛一人。副扎薩克。大喇嘛一人。扎薩克

喇嘛六人。○多倫諾爾會中善因。二寺。扎薩克

大喇嘛一人。大喇嘛二人。副大喇嘛二人。○科

爾沁等二十四部落。大喇嘛各一人。○康熙

四年題準。

盛京。西勒圖庫倫。歸化城等處。大喇嘛以下各設

德木齊一人。

一番僧服色。順治十二年題準。喇嘛格隆服用

紅色。非奉

上賜。許用五爪團結。班第用黃帽紅衣。○康熙六

年題準。喇嘛等許服金黃。明黃。大紅等色。班第

等許服大紅色。其餘不得擅服。曾蒙

恩賞賜者。各色均準服用。違者。大喇嘛罰牲畜一九

班第以下。鞭一百。

一番僧禁例。順治十四年題準。格隆班第等。如

為人治病。必告知大喇嘛。限定日期。方許前往。

若有私往。違限。並擅宿人家。或借端留婦女於

寺廟者。皆依律治罪。再遊方之徒。不得擅留。違

者。亦治罪。○十五年題準。喇嘛徒眾。除院冊有

名外。不準增設。○十七年題準。歸化城喇嘛。有事往厄魯特。喀爾喀。地方者。均令具題請往。都統不時稽察。毋許妄爲。厄魯特。喀爾喀。往來人及格隆班第等。亦不許擅留。違者治罪。○康熙元年題準。外藩蒙古。八旗游牧察哈爾蒙古等。欲送家。入爲番僧徒弟。及留住外。不許擅留。違者治罪。○康熙元年題準。在京喇嘛等。奉使達賴刺。方。擅帶彼處班第等回來者。罪之。○十年題準。人古忒處喇嘛徒衆。非奉

旨。私來。○又題準。凡喇嘛將自己家奴。及受他姓送到之人。作爲班第。並容留無籍之格隆班第者。該管之大喇嘛。革退。罰牲畜三九。○格隆班第等。各罰三九。如內地家人作爲班第。送至喇嘛處。或隱匿在家。及容留無籍。違者。格隆班第者。將都統以下。領催以上。同本人。一併交部。分別議處治罪。再外藩蒙古地方。除冊籍有名之番僧外。其游牧之番僧班第。皆著驅逐。倘不行驅逐。或隱匿容留。及將各該屬家奴私爲班第者。事發。王。貝。勒。貝。子。公。扎薩克台吉等。各

罰俸一年。無俸之台吉。罰馬五十匹。入官。仍革職。閒散。鞭一百。該管之王。貝勒。貝子。公。台吉等。各罰俸九月。都統。副都統等。各罰牲畜一九。佐領。驍騎校。各罰二九。領催。什長。各鞭一百。所罰牲畜。給告人三分之一。如經屬下家奴首出。即準開戶。將私為班第及收留之。行什。弟。勒令還俗。撥回本旗。給還原主。其八旗遊牧察哈爾。馬。人。等有犯。亦照此例。○又定。凡蒙。方。驍騎壯丁。不準私為伍巴什。違者。照私為格。班第例治罪。其年老殘廢丁。冊除名之人。願

伍巴什者聽。○又定。蒙古婦女。不準私為齊巴罕察。僧。尼違者。亦照私為班第例罪之。○四十二

諭。以民田展修廟宇。有關民生。嗣後凡修廟有礙民地者。著永行禁止。欽此。○雍正三年題準。凡番僧。以治病禳災為名。誑騙蒙古。應令扎薩克嚴禁。如果治病有益。分別保留。其餘一概逐回原籍。嗣後有隱藏者。發覺。將扎薩克等一并議處。○六年議準。五臺山乃名山清淨佛地。若埋葬尸骨。有污淨土。嗣後凡喇嘛僧道旗民蒙古人

等骨殖。禁止送往五臺山埋葬。如外藩蒙古大喇嘛等。有願將骨殖送往五臺山埋葬者。該部請

旨具奏。其本處喇嘛僧道尸骨。亦令其遠寺廟埋葬。○乾隆二十七年奏準。凡胡圖克圖大喇嘛等。圓寂。其本人所食錢糧。停止給發。其本人所食錢糧。俟伊師骨殖起程之日。再行裁汰。

一西各土。順治七年題準。河州弘化等寺。理國師韓禪巴。遣徒繳明時所給勅書一道。銅一顆。均準換給。○八年題準。顯慶寺灌頂大

師丹巴堅錯。明時所給鍍金銀印一顆。都綱銅印一顆。誥命勅諭各一道。弘化寺普應禪師。爾大堅錯。繳明時所給銀印一顆。司銅印一顆。又紅山堡報恩寺番僧盧老藏靈珍。繳明時所給劄付一紙。一并換給。○又西寧瞿曇寺國師。禪師。都綱等。各將明時所給誥勅印劄。繳還。懇請換給。瞿曇寺國師公葛丹淨。封爲灌頂淨覺弘濟大國師。給鍍金銀印。渣思歡卓爾。封爲灌頂廣濟弘善國師。

給慈光普照象牙圖書。各給

誥勅一道。其都綱拉思俄卓爾。給銅印。

勅諭一道。淨寧菩提寺國師沙拉索南。封爲妙勝惠

濟灌頂大國師。給鍍金銀印。

誥勅各一道。劄付一紙。淨覺寺國師班珠兒堅錕。封

爲淨慈優善國師。給銀印。

誥勅各一道。國師所屬喇嘛查西堅錯。給弘修善道

象牙圖書。雲珍堅錯。給心性了無象牙圖書。

巴舍拉。給堅修梵性象牙圖書。各給

勅諭一道。慈利寺國師札思巴統諸。封爲弘善演教

師。給銀印。

勅諭一道。劄付一紙。禪師毛鉛南宮吟。封爲妙勝禪

師。給銀印。

勅諭一道。劄付一紙。延壽寺張捨拉朋錯。封爲廣濟

弘修國師。給銀印。

誥勅各一道。普法寺國師丹進堅錯。封爲妙善通惠

國師。給銀印。

誥勅各一道。國師所屬喇嘛索南巴爾丹。給妙靜弘

修象牙圖書。

勅諭一道。吉祥寺禪師洛藏拉旦。封爲福教禪師。給

銀印

誥勅各一道。伊兒給寺喇喀格拉堅錯。給弘漢宗尚象牙圖書。○又西納演教寺喇嘛班珠兒盆錯。繳明時所給勅印執照。封班珠兒盆錯為國師。換給

誥勅各一道。又賜給通慧淨覺銀印。○又喇嘛寺喇嘛山丹屯柱。繳明時所給勅書。劄付圖書。換給勅書一道。○付一紙。靖勅法戒象牙圖書一方。○七年題準。岷州衛二十六寺內。圓覺寺大崇教。番僧后只即丹子。繳明時所給誥命一道。勅

六二一十一道。肅世戒行圖書一方。換給

勅書一道。銅印一顆。授為護印僧綱司。令鈐束岷州

各寺僧。共繳送勅書二十一道。均應換給。

成化年間所封弘濟光教大國師一勅。不準換給。○康熙二年題準。岷州圓覺寺。大崇教寺。講

堂寺。刹藏寺。弘教寺。洪福寺。法藏寺。朝定寺。石

崖寺。魯班寺。永安寺。廣善寺。照慈寺。洪濟寺。廣

德寺。羊圈寺。崇隆寺。寶淨寺。寫兒朶寺。讚林寺。

永寧寺。諸番僧。繳送舊勅。一例換給。○五年題

準。三竹。裕奄。藏經。三寺。既經修葺。應給發

勅書其荔川工布二寺。竣修理告竣。再行請給。○十
一年。延壽寺廣濟弘修國師張哈完卜承襲。換
給。○十四年題準。據甘肅提督奏稱。圓覺寺番僧

后只卽丹子。恪守

勅印。糾兵攻滅。其前所請弘濟光教大國師之職。準
其承襲。應頒

誥命。並給。銀印。其番僧綱司

勅印。仍令掣繳送部。○十五年題準。法藏寺僧丁桑
落旦。應授爲法藏寺僧綱司。洮州著落寺番

僧楊多剛。應授爲僧正。均給與

勅書。○二十一年題準。圓覺寺番僧后只卽丹子
等謝

恩進貢。並請給國師頂帽。及番僧俸祿。給高頂僧帽

一具。撥賜岷州衛屬官地五頃。凡其糾糧。○三

十年覆準。圓覺寺國師后只卽丹子親姪首徒

后丹子達節。襲封岷州衛弘濟光教大國師。○

三十六年覆準。瞿曇寺灌頂淨覺弘濟大國師。

以公葛丹淨之孫。觀著圖思多榮進承襲。○又

西納演教寺通慧淨覺國師。以瑪珠兒益錯之

孫達爾吉承襲。三十七年覆准。松山采之達。克隆胡圖克圖奏請封典。給與

勅印。三十八年覆准。法藏寺番僧丁桑節落旦前。以軍功議敘。給與僧綱司

勅書。原無世襲字樣。今該僧據報病故。著繳送內閣。換給護

勅。四十三年題准。西寧教化寺僧羅卜藏欽臻寶

貝寺。羅卜藏納木查。繳明時所給誥命。並繳舊印。又肅州歸化寺僧恭阿扎木蘇奏請

均換給。均換給

誥命。印。四十六年奏准。達克隆胡圖克圖病故。換給伊奴藍占巴羅雷丹達爾

勅書。令約僧衆。四十九年覆准。國師名爵。非有功績。不得濫授。岷州國師后丹子達節。其

師后只郎丹子。初授為護印番僧綱。後因攻

賊有功。升授國師。給與鍍金銀印。業已承襲一

次。今后丹子達節。以年老辭職。其徒后尖采寧

布。並無功績。不得仍襲國師。著照初封之職。授為護印番僧綱司。給與銅印。勅書。舊給國師印信

誥命著繳送內閣。○五十二年題準。州闡定寺喇嘛楊昂望繳明時所給崇梵靜覺國師印。準其換給。○雍正四年議準。西寧所屬百里外約共僧寺九十四處。河州所屬僅止三處。此內有名國師禪師而有

勅印者有名國師而無

勅印者有名為寺廟實無寺廟者有不名為寺廟而

名為古落者其各處番僧或自二三名以

六七十名不等此等處所原繫土番雜處明初

頒給勅印之後

朝亦曾頒有

勅印緣邊居之人野性難化故令其信任有名之喇

嘛承之管轄若因循舊制不酌量更定恐

日久竟恃為世守所關匪細應令各寺祇徒歸

并內地為民所給

勅印盡行收取不令管轄番落其如何給與喇嘛空

銜俸祿之處令該督詳議具奏到日再議。○乾

隆八年題準。洮州闡定寺崇梵靜覺國師以楊

昂望之姪楊琢球珞瓚承襲。○又奏準。鮮琉

球南掌安南暹羅蘇祿等國封事事宜均由禮

部辦理。其蒙古王公台吉內外。唃唃等封
邱事宜。均由理藩院承辦。惟會典內載有陝西
甘肅洮岷唃唃承襲國師。禪師。都綱。並給與
勅印等事。由禮部具題。累年有禮部專辦者。有理藩
院會同辦理者。伏思蒙古內外番僧。既屬理藩
院所轄。則陝甘洮岷三處番僧。嗣後承襲國師
禪師。都綱等事。均應歸并理藩院承辦。至請給
勅印之事。令理藩院會同禮部辦理。○九年
河州弘化顯慶兩寺國師兼都綱章珞柱堅錯
之姪章敦柱堅錯。請襲前來。從前議收國師禪

師一應

勅書。其作何酌給空銜俸祿。尚未議定。今章敦柱堅
錯請襲國師。應俟該督議覆到日再辦。其
印信。原為辦理事務管束屬人而設。應令國師
章珞柱堅錯之姪章敦柱堅錯。暫行代理都綱
印務。○又奏。准換給松山報恩寺達克隆圖
克圖胡畢爾汗

勅書。○十二年議準。甘肅所屬各寺廟唃唃。自收國
師。禪師。印信以來。各自梵守靜修。其屬僧
雖各設有法臺。但約束不無渙。其屬僧

方之大小。番僧之多寡。定爲階級。以爲稽察。河
州普綱寺。靈慶寺。弘化寺。應各設都綱一人。西
寧縣之西那寺。塔爾寺。扎藏寺。元覺寺。沙衝寺。
仙密寺。佑寧寺。碾伯縣之瞿曇寺。弘通寺。羊爾
貫寺。普化寺。大同衛之廣化寺。歸德所之二疊
闡寺。垂乙寺。馬尼寺。應各設僧綱一人。洮州衛
之閻家寺。龍元寺。圓成寺。應各設僧正一人。均
由院系與劄付。其松山報恩寺。喇嘛達克隆寺。
圖克圖胡畢爾汗。紅山堡報恩寺。都綱閻南木
加。岷州圓覺寺。僧綱候章楊恩柱。河州弘化寺

都綱章敦柱。堅鈿。皆有都綱。僧綱。印信。毋庸再
給。此次所授僧綱。僧正。既皆議給劄付。其從前
所給岷州圓覺寺。僧綱候章楊恩柱之

敕書。著撤回。換給劄付。嗣後國師之號。均不準承襲。
所有洮州闡定寺。國師楊琢瑛。塔璣之印

勅。暫準存留。竅闕出停止。復襲。今將原領印
勅。交禮部察銷。又揚松羅布迦木燦。年力富强。才具

明晰。應授爲僧綱。令該督將揚松羅布迦木燦
年貌。並住持何廟之處。詢明送院。填給劄付。
十三年覆準。揚松羅布迦木燦。住寺廟。

原居住著落族應照原議將

迎木燦

授為僧綱給與割付



Vertical columns of text in seal script, likely bleed-through from the reverse side of the page. The text is arranged in approximately 12 columns, with some characters being difficult to decipher due to the script and fading.



